

Bosna i Hercegovina
FEDERACIJA BOSNE I HERCEGOVINE
AGENCIJA ZA NADZOR OSIGURANJA
FEDERACIJE BOSNE I HERCEGOVINE
S A R A J E V O

Na osnovu člana 128. stav (2) tačka g, člana 130. tačka b), čl. 132. i 172. Zakona o osiguranju („Službene novine Federacije Bosne i Hercegovine“, broj 23/17) i člana 12. Statuta Agencije za nadzor osiguranja Federacije Bosne i Hercegovine, Stručni savjet Agencije za nadzor osiguranja Federacije Bosne i Hercegovine na 9. sjednici održanoj 05.12.2017. godine, donosi

PRAVILNIK
o dodatnom nadzoru nad grupom osiguravača

I OPĆE ODREDBE

Član 1.
(Predmet Pravilnika)

Pravilnik o dodatnom nadzoru nad društvom za osiguranje odnosno društvom za reosiguranje u grupi osiguravača (dalje u tekstu: Pravilnik) detaljnije propisuje:

- a) subjekte dodatnog nadzora,
- b) obim dodatnog nadzora,
- c) način i rokove izvještavanja o povezanosti društva za osiguranje odnosno društva za reosiguranje sa pravnim i fizičkim licima,
- d) način i rokove izvještavanja o povezanim poslovima društva za osiguranje odnosno društva za reosiguranje,
- e) način i rokove izvještavanja o značajnim poslovima društva za osiguranje odnosno društva za reosiguranje,
- f) izračun prilagođene adekvatnosti kapitala, te način i rokove izvještavanja društva za osiguranje odnosno društva za reosiguranje u grupi osiguravača.

Član 2.
(Definicije)

Za potrebe ovog Pravilnika koriste se pojmovi koji su definisani u čl. 2. i 166. Zakona o osiguranju („Službene novine Federacije Bosne i Hercegovine“, broj 23/17) (dalje u tekstu: Zakon).

Član 3.
(Subjekti dodatnog nadzora)

- (1) Agencija za nadzor osiguranja Federacije Bosne i Hercegovine (dalje u tekstu: Agencija) vrši dodatni nadzor nad poslovanjem društava i subjekata povezanih sa društvom za osiguranje odnosno društvom za reosiguranje, društava koja imaju udjele u društvu za osiguranje odnosno društvu za reosiguranje i društava koja su povezana sa društvom koje ima udjele u društvu za osiguranje odnosno društvu za reosiguranje u Federaciji, državi članici ili stranoj zemlji, a čije je sjedište u Federaciji.
- (2) Agencija provodi dodatni nadzor nad društvom za osiguranje odnosno društvom za reosiguranje sa sjedištem u Federaciji BiH:
 - a) ako je ono društvo sa značajnim učešćem u minimalno jednom društvu za osiguranje odnosno društvu za reosiguranje sa sjedištem u Federaciji BiH ili sa sjedištem u državi članici odnosno stranom društvu za osiguranje ili stranom društvu za reosiguranje,
 - b) čije je vladajuće, odnosno matično društvo koncern osiguravača, osiguravajući holding, mješoviti osiguravajući holding ili mješoviti finansijski holding.

Član 4.

(Obim dodatnog nadzora)

Agencija, u provođenju dodatnog nadzora nad društvima iz člana 3. ovog Pravilnika uzima u obzir njihov odnos sa društvima sa sjedištem u Federaciji BiH, Republici Srpskoj, Distriktu Brčko, državi članici ili stranoj državi koja su:

- a) povezana društva sa društvom za osiguranje odnosno društvom za reosiguranje iz člana 3. ovog Pravilnika,
- b) društva sa značajnim učešćem u društvu za osiguranje odnosno društvu za reosiguranje iz člana 3. ovog Pravilnika,
- c) povezana društva onih društava koja imaju značajni udio u društvu za osiguranje odnosno društvu za reosiguranje iz člana 3. ovog Pravilnika.

Član 5.

(Izvještavanje u grupi osiguravača)

Radi osiguravanja nadzora u vezi sa tim da li se poslovi u grupi osiguravača odvijaju pod normalnim tržišnim uvjetima društvo za osiguranje odnosno društvo za reosiguranje u grupi osiguravača dužno je izvještavati Agenciju o sklopljenim poslovima u grupi odnosno poslovima između društva za osiguranje odnosno društva za reosiguranje i sljedećih lica:

- a) povezanih lica sa društvom za osiguranje odnosno društvom za reosiguranje,
- b) društava koja imaju udjele u društvima za osiguranje odnosno društvima za reosiguranje,
- c) povezanih lica sa društvima koja imaju udjele u društvu za osiguranje odnosno društvu za reosiguranje,
- d) fizičkih lica koja imaju udjele u:
 - 1) društvima za osiguranje odnosno društvima za reosiguranje odnosno u bilo kojem njihovom povezanom licu,
 - 2) društvima koja imaju udjele u društvu za osiguranje odnosno društvu za reosiguranje,
 - 3) povezanim licima sa društvima koja imaju udjele u društvu za osiguranje odnosno društvu za reosiguranje.

Član 6.

(Poslovi u grupi osiguravača)

Poslovima iz člana 5. ovog Pravilnika smatraju se posebno:

- a) zajmovi,
- b) garancije i drugi poslovi zbog kojih nastaju vanbilansne obaveze,
- c) stavke koje se koriste pri izračunu margine solventnosti,
- d) ulaganja,
- e) poslovi reosiguranja i retrocesije,
- f) sporazumi o dijeljenju troškova.

II IZVJEŠTAVANJE DRUŠTVA ZA OSIGURANJE ODNOSNO DRUŠTVA ZA REOSIGURANJE

Član 7.

(Izvještavanje)

- (1) Društva navedena u članu 3. stav (2) ovog Pravilnika dužna su Agenciji dostavljati sve izvještaje propisane ovim Pravilnikom u za to propisanim rokovima.
- (2) Društvo za osiguranje odnosno društvo za reosiguranje iz člana 3. stav (2) ovog Pravilnika odgovorno je za ispunjavanje obaveza iz stava (1) ovog člana, kao i za tačnost, odnosno vjerodostojnost podataka i informacija u dostavljenim izvještajima iz stava (1) ovog člana.

- (3) Društvo za osiguranje odnosno društvo za reosiguranje iz člana 3. stav (2) ovog Pravilnika dužno je osigurati odgovarajuće postupke provjere tačnosti podataka i informacija iz stava (2) ovoga člana u skladu s odredbama člana 40. stav (5) Zakona.

Član 8.

(Izvještaj o povezanosti društva sa pravnim i fizičkim licima)

- (1) Društvo za osiguranje odnosno društvo za reosiguranje iz člana 3. ovog Pravilnika dužno je Agenciji dostavljati Izvještaj o povezanosti na Obrascu PD-G-F sa popisom:
- a) svih društva sa sjedištem u Federaciji BiH, Republici Srpskoj i Brčko Disktriktu, državi članici ili stranoj državi koja su:
 - 1) povezana društva sa društvom za osiguranje odnosno društvom za reosiguranje koje dostavlja Izvještaj o povezanosti,
 - 2) društva sa značajnim učešćem u društvu za osiguranje odnosno društvu za reosiguranje koje dostavlja Izvještaj o povezanosti,
 - 3) povezana društva onih društava koja imaju značajno učešće u društvu za osiguranje odnosno društvu za reosiguranje koje dostavlja Izvještaj o povezanosti,
 - b) svih fizičkih lica koja imaju značajni udio u:
 - 1) društvu za osiguranje odnosno društvu za reosiguranje koje dostavlja Izvještaj o povezanosti ili nekom od društava s kojim je povezano društvo koje dostavlja Izvještaj o povezanosti,
 - 2) društvu sa značajnim učešćem u društvu za osiguranje odnosno društvu za reosiguranje koje dostavlja Izvještaj o povezanosti,
 - 3) povezanom društvu onih društava koja imaju značajno učešće u društvu za osiguranje odnosno društvu za reosiguranje koje dostavlja Izvještaj o povezanosti.
- (2) Uz Izvještaj iz stava (1) ovog Pravilnika društvo za osiguranje odnosno društvo za reosiguranje iz člana 3. ovog Pravilnika, dužno je Agenciji dostavljati šematski prikaz odnosno organigram pravnih i / ili fizičkih lica iz stava (1) ovog člana koje su posredno, odnosno neposredno povezane s društvom za osiguranje odnosno društvom za reosiguranje iz člana 3. ovog Pravilnika, a u skladu s podacima navedenima u Obrascu PD-G-F.
- (3) Izvještaj i šematski prikaz iz stava (1) i stava (2) ovog člana dostavljaju se u pisanom i elektronskom obliku godišnje, u roku od 4 mjeseca po isteku kalendarske godine.

Član 9.

(Izvještaj o povezanim poslovima)

- (1) Društvo za osiguranje odnosno društvo za reosiguranje iz člana 3. ovog Pravilnika dužno je Agenciji dostavljati Izvještaj o povezanim poslovima na Obrascu PP-G-F koji obuhvata sve poslove između tog društva i:
- a) svih društava sa sjedištem u Federaciji BiH, Republici Srpskoj i Brčko Disktriktu, državi članici ili stranoj državi koja su:
 - 1) povezana društva s društvom za osiguranje odnosno društvom za reosiguranje koje dostavlja Izvještaj o povezanosti,
 - 2) društva sa značajnim učešćem u društvu za osiguranje odnosno društvu za reosiguranje koje dostavlja Izvještaj o povezanosti,
 - 3) povezana društva onih društava koja imaju značajno učešće u društvu za osiguranje odnosno društvu za reosiguranje koje dostavlja Izvještaj o povezanosti,
 - b) svih fizičkih lica koja imaju značajno učešće u:
 - 1) društvu za osiguranje odnosno društvu za reosiguranje koje dostavlja Izvještaj o povezanosti ili nekom od društava s kojim je povezano društvo koje dostavlja Izvještaj o povezanosti,

- 2) društvu sa značajnim učešćem u društvu za osiguranje odnosno društvu za reosiguranje koje dostavlja Izvještaj o povezanosti,
 - 3) povezanom društvu onih društava koja imaju značajno učešće u društvu za osiguranje odnosno društvu za reosiguranje koje dostavlja Izvještaj o povezanosti.
- (2) Podaci o poslovima iz stava (1) ovog člana posebno se odnose na poslove definisane u članu 6. ovog Pravilnika.
- (3) Društvo za osiguranje odnosno društvo za reosiguranje iz člana 3. ovog Pravilnika dužno je uspostaviti odgovarajuće procedure upravljanja rizicima i mehanizme interne kontrole, uključujući i odgovarajuće računovodstvene procedure, odnosno procedure izvještavanja zbog utvrđivanja, mjerenja, praćenja i kontrole poslova iz stava (1) ovoga člana.
- (4) Izvještaji iz stava (1) ovog člana dostavljaju se u pisanom i elektronskom obliku godišnje, u roku od 4 mjeseca po isteku kalendarske godine.

Član 10.

(Izvještaj o značajnim poslovima)

- (1) Društvo za osiguranje odnosno društvo za reosiguranje iz člana 3. ovog Pravilnika dužno je Agenciji dostavljati Izvještaj o značajnim poslovima na Obrascu ZP-G-F koji obuhvata sve značajne poslove.
- (2) Značajnim poslovima iz stava (1) ovog člana smatraju se poslovi iz člana 6. ovog Pravilnika koji mijenjaju stavke koje služe za izračun kapitala u skladu sa članom 70. Zakona.
- (3) Društvo za osiguranje odnosno društvo za reosiguranje iz člana 3. ovog Pravilnika dužno je uspostaviti odgovarajuće procedure upravljanja rizicima i mehanizme interne kontrole, uključujući i odgovarajuće računovodstvene procedure, odnosno procedure izvještavanja zbog utvrđivanja, mjerenja, praćenja i kontrole poslova iz stava (1) ovoga člana.
- (4) Izvještaji iz stava (1) ovog člana dostavljaju se u pisanom i elektronskom obliku godišnje, u roku od 4 mjeseca po isteku kalendarske godine.

Član 11.

(Prilagođena adekvatnost kapitala)

- (1) Društvo za osiguranje odnosno društvo za reosiguranje iz člana 3. stav (2) tačka a) ovog Pravilnika dužno je izračunavati prilagođenu adekvatnost kapitala u skladu s odredbama ovog člana i člana 12. ovog Pravilnika.
- (2) U izračun prilagođene adekvatnosti kapitala iz stava (1) ovog člana u obzir se uzimaju sva povezana društva, društva sa značajnim učešćem i povezana društva društava sa značajnim učešćem.
- (3) Prilagođena adekvatnost kapitala društva za osiguranje odnosno društva za reosiguranje računa se kao razlika između:
- a) zbira elemenata stavki koje ulaze u izračun kapitala društva za osiguranje odnosno društva za reosiguranje za kojeg se izračunava prilagođena adekvatnost kapitala,
 - i
 - b) zbira:
 - 1) margine solventnosti društva za osiguranje odnosno društva za reosiguranje za kojeg se izračunava prilagođena adekvatnost kapitala i
 - 2) proporcionalnog udjela margine solventnosti povezanog društva za osiguranje odnosno povezanog društva za reosiguranje.

Pri vrednovanju stavki koje ulaze u izračun kapitala, učešće računa po metodi udjela.

- (4) Društvo za osiguranje odnosno društvo za reosiguranje iz člana 3. stav (2) tačka a) ovog Pravilnika zadovoljava uvjet prilagođene adekvatnosti kapitala ako je rezultat izračuna prilagođene adekvatnosti kapitala pozitivna vrijednost.
- (5) Izračun prilagođene adekvatnosti kapitala društvo za osiguranje koje obavlja poslove iz grupe životnih osiguranja iz člana 3. stav (2) tačka a) ovog Pravilnika iskazuje na Obrascu PAKŽ-G-F.
- (6) Izračun prilagođene adekvatnosti kapitala društvo za osiguranje koje obavlja poslove iz skupine neživotnih osiguranja odnosno društvo za reosiguranje iz člana 3. stav (2) tačka a) ovog Pravilnika iskazuje na Obrascu PAKN-G-F.
- (7) Kompozitno društvo prilagođenu adekvatnost kapitala izračunava i iskazuje odvojeno za grupu životnih osiguranja i grupu neživotnih osiguranja.
- (8) Izvještaje o prilagođenoj adekvatnosti kapitala iz st. (5) i (6) ovog člana društvo za osiguranje odnosno društvo za reosiguranje dostavlja u pisanom i elektronskom obliku godišnje, u roku od 4 mjeseca po isteku kalendarske godine.

Član 12.

(Uputstvo za izračun prilagođene adekvatnosti kapitala)

- (1) U izračunu prilagođene adekvatnosti kapitala društva iz člana 3. stav (2) tačka a) ovog Pravilnika uzima se u obzir proporcionalni udio društva sa značajnim učešćem u njegovim povezanim društvima.
- (2) Proporcionalnim udjelom se u smislu ovog Pravilnika smatra udio upisanog osnovnog kapitala u posrednom ili neposrednom vlasništvu društva sa značajnim učešćem.
- (3) Izuzetno od st. (1) i (2) ovog člana, kada povezano društvo koje je zavisno društvo, odnosno društvo kćer ima manjak kapitala, pri izračunu prilagođene adekvatnosti kapitala u obzir se uzima ukupni nedostatak kapitala.
- (4) Stavke koje ulaze u izračun kapitala koji se koristi pri izračunu prilagođene adekvatnosti kapitala propisane su Pravilnikom o elementima i kontroli margine solventnosti („Službene novine Federacije BiH“, broj 82/17).
- (5) Dvostruka upotreba istih sredstava koji ulaze u izračune kapitala različitih društava za osiguranje odnosno društava za reosiguranje pri izračunu prilagođene adekvatnosti kapitala nije dozvoljena.
- (6) Iz izračuna prilagođene adekvatnosti kapitala društva za osiguranje odnosno društva za reosiguranje isključuju se:
 - a) vrijednost svake imovine tog društva za osiguranje odnosno društva za reosiguranje koja predstavlja finansiranje stavki koje ulaze u izračun kapitala jednog od njegovih povezanih društava za osiguranje odnosno društava za reosiguranje,
 - b) vrijednost svake imovine društava za osiguranje, odnosno društava za reosiguranje povezanog sa društvom za osiguranje odnosno društvom za reosiguranje koje izračunava prilagođenu adekvatnost kapitala, a koja predstavlja finansiranje stavki koje ulaze u izračun kapitala društva za osiguranje odnosno društva za reosiguranje koje računa prilagođenu adekvatnost kapitala,
 - c) vrijednost svake imovine društava za osiguranje odnosno društava za reosiguranje povezanog s društvom za osiguranje odnosno društvom za reosiguranje koje

izračunava prilagođenu adekvatnost kapitala, a koja predstavlja finansiranje stavki koje ulaze u izračun kapitala bilo kojeg drugog društva za osiguranje odnosno društva za reosiguranje povezanog sa društvom za osiguranje odnosno društva za reosiguranje koje izračunava prilagođenu adekvatnost kapitala.

- (7) Iz izračuna prilagođene adekvatnosti kapitala društva za osiguranje odnosno društva za reosiguranje isključit će se sve stavke koje se koriste u izračunu kapitala, a koje su rezultat međusobnog finansiranja između društva za osiguranje odnosno društva za reosiguranje i:
 - a) povezanog društva,
 - b) društva sa značajnim učešćem,
 - c) drugog povezanog društva bilo kojeg od njegovih društava sa značajnim učešćem.
- (8) Iz izračuna kapitala društva za osiguranje odnosno društva za reosiguranje povezanog s društvom za osiguranje odnosno društvom za reosiguranje za koje se izračunava prilagođena adekvatnost kapitala, isključit će se sve stavke koje proizlaze iz međusobnog finansiranja s bilo kojim drugim povezanim društvom, društva za osiguranje odnosno društva za reosiguranje za koje se izračunava prilagođena adekvatnost kapitala.
- (9) Međusobno finansiranje iz st. (7) i (8) ovog člana postoji ako neko društvo za osiguranje odnosno društvo za reosiguranje, odnosno njegovo povezano društvo ima udjele u drugom društvu ili daje zajmove drugom društvu koje u svom posrednom ili neposrednom vlasništvu ima kapital, odnosno dio kapitala prvog društva koji prvom društvu služi za ispunjavanje uvjeta adekvatnosti kapitala.
- (10) Izračun prilagođene adekvatnosti kapitala društva za osiguranje odnosno društva za reosiguranje koje ima jedno ili više povezanih društava za osiguranje odnosno povezanih društava za reosiguranje, uključivat će svako od tih povezanih društava.
- (11) U slučaju sukcesivnih učešća prilagođena adekvatnost kapitala izračunava se na nivou svakog društva za osiguranje sa značajnim učešćem odnosno društva za reosiguranje sa značajnim učešćem, koje ima najmanje jedno povezano društvo za osiguranje odnosno povezano društvo za reosiguranje.
- (12) Ako povezano društvo za osiguranje odnosno povezano društvo za reosiguranje društva za osiguranje, odnosno društva za reosiguranje koje izračunava prilagođenu adekvatnost kapitala ima sjedište u državi članici, u izračun prilagođene adekvatnosti kapitala u obzir će se uzeti sektorski propisi zemlje u kojoj je to povezano društvo dobilo dozvolu za obavljanje poslova osiguranja odnosno poslova reosiguranja i to samo u dijelu izračuna kapitala navedenog povezanog društva za osiguranje odnosno povezanog društva za reosiguranje.
- (13) Pri izračunu prilagođene adekvatnosti kapitala društva za osiguranje odnosno društva za reosiguranje koje ima značajno učešće u povezanom društvu za osiguranje odnosno društvu za reosiguranje, stranom društvu za osiguranje odnosno stranom društvu za reosiguranje preko koncerna osiguravača, osiguravajućeg holdinga, mješovitog osiguravajućeg holdinga ili mješovitog finansijskog holdinga u izračun se u obzir uzima struktura posredničkog koncerna osiguravača, osiguravajućeg holdinga, mješovitog osiguravajućeg holdinga ili posredničkog mješovitog finansijskog holdinga. Isključivo za potrebe tog izračuna, na kojeg se na odgovarajući način primjenjuju odredbe stavova od (1) do (12) ovog člana, predmetni koncern osiguravača, osiguravajući holding, mješoviti osiguravajući holding ili predmetni mješoviti finansijski holding tretira se kao društvo za osiguranje odnosno društvo za reosiguranje na koje se odnosi nulta margina solventnosti.
- (14) Pri izračunu prilagođene adekvatnosti kapitala društva za osiguranje odnosno društva za reosiguranje koje je društvo sa značajnim učešćem u stranom društvu za osiguranje

odnosno stranom društvu za reosiguranje, navedeni se tretira kao povezano društvo za osiguranje odnosno povezano društvo za reosiguranje, primjenjujući na odgovarajući način odredbe st. od (1) do (11) ovog člana.

- (15) Ako strano društvo za osiguranje odnosno strano društvo za reosiguranje iz stava (14) ovog člana izračunava kapital u skladu sa sektorskim propisima sličnim propisima u Federaciji BiH, društvo za osiguranje odnosno društvo za reosiguranje u izračun prilagođene adekvatnosti kapitala u obzir će uzeti sektorske propise zemlje u kojoj je to strano društvo dobilo dozvolu za obavljanje poslova osiguranja odnosno poslova reosiguranja i to samo u dijelu izračuna kapitala navedenog stranog društva.
- (16) Pri izračunu prilagođene adekvatnosti kapitala društva za osiguranje odnosno društva za reosiguranje koje je društvo sa značajnim učešćem u nekoj kreditnoj instituciji, investicijskom društvu ili finansijskoj instituciji, pravila o odbitku tih učešća primjenjivat će se na odgovarajući način u skladu s odredbama o izračunu kapitala.
- (17) Kada Agenciji, iz bilo kojeg razloga nisu dostupni podaci i informacije potrebne za izračun prilagođene adekvatnosti kapitala društva za osiguranje odnosno društva za reosiguranje, koji se odnose na povezano društvo sa sjedištem u državi članici ili stranoj državi, od kapitala koji se koristi pri izračunu prilagođene adekvatnosti kapitala odbija se knjigovodstvena vrijednost tog društva u društvu za osiguranje sa značajnim učešćem, odnosno društvu za reosiguranje sa značajnim učešćem. U navedenom slučaju, nerealizirana dobit povezana s takvim učešćem ne ulazi u izračun prilagođene adekvatnosti kapitala.

Član 13.

(Izračun prilagođene adekvatnosti kapitala društva za osiguranje odnosno društva za reosiguranje kojem je vladajuće, odnosno matično društvo koncern osiguravača, osiguravajući holding, mješoviti osiguravajući holding, mješoviti finansijski holding, strano društvo za osiguranje odnosno strano društvo za reosiguranje)

- (1) Društvo za osiguranje odnosno društvo za reosiguranje iz člana 3. stav (2) tačka b) ovog Pravilnika dužno je izračunavati prilagođenu adekvatnost kapitala u skladu s odredbama ovog člana.
- (2) U izračun prilagođene adekvatnosti kapitala iz stava (1) ovog člana u obzir se uzimaju sva povezana društva koncerna osiguravača, osiguravajućeg holdinga, mješovitog osiguravajućeg holdinga, mješovitog finansijskog holdinga stranog društva za osiguranje odnosno stranog društva za reosiguranje.
- (3) Prilagođena adekvatnost kapitala društva za osiguranje odnosno društva za reosiguranje iz stava (1) ovog člana računa se u skladu sa odredbama člana 11. stava (3), te na odgovarajući način primjenjujući odredbe člana 12. st.(13), (14),(15), (16) i (17) ovog Pravilnika.
- (4) Društvo za osiguranje odnosno društvo za reosiguranje iz člana 3. stav (2) tačka b) ovog Pravilnika zadovoljava uvjet prilagođene adekvatnosti kapitala ako je rezultat izračuna prilagođene adekvatnosti kapitala pozitivna vrijednost.
- (5) Izračun prilagođene adekvatnosti kapitala, društvo za osiguranje koje obavlja poslove iz grupe životnih osiguranja iz člana 3. stav (2) tačka b) ovog Pravilnika iskazuje na Obrascu PAKHŽ-G-F.

- (6) Izračun prilagođene adekvatnosti kapitala društvo za osiguranje koje obavlja poslove iz grupe neživotnih osiguranja odnosno društvo za reosiguranje iz člana 3. stav (2) tačka b) ovog Pravilnika iskazuje na Obrascu PAKHN-G-F.
- (7) Kompozitno društvo prilagođenu adekvatnost kapitala izračunava i iskazuje odvojeno za skupinu životnih osiguranja i skupinu neživotnih osiguranja.
- (8) Izvještaje o prilagođenoj adekvatnosti kapitala iz st.(5) i (6) ovog člana društvo za osiguranje odnosno društvo za reosiguranje dostavlja u pisanom i elektronskom obliku godišnje, u roku 4 mjeseca po isteku kalendarske godine.

Član 14.

(Mjere u slučaju neispunjenja uvjeta prilagođene adekvatnosti kapitala)

- (1) Ako Agencija, na osnovu podataka i informacija u dostavljenim izvještajima iz članova 8., 9., 10., 11., i 13. ovog Pravilnika ocijeni da je prilagođena adekvatnost kapitala društva za osiguranje odnosno društva za reosiguranje iz člana 3. ovog Pravilnika ugrožena ili bi mogla biti ugrožena, u skladu s odredbama čl.25. i 73. Zakona, uprava društva za osiguranje odnosno društva za reosiguranje dužna je odmah poduzeti mjere radi dostizanja potrebne visine kapitala za koje je nadležna, odnosno dužna je izraditi prijedlog mjera za koja su nadležna druga tijela društva za osiguranje odnosno društva za reosiguranje.
- (2) O mjerama, odnosno prijedlozima mjera iz stava (1) ovoga člana uprava društva za osiguranje odnosno društva za reosiguranje iz člana 3. ovog Pravilnika je dužna izvijestiti Agenciju u roku od osam dana od njihova donošenja.
- (3) Uz obavijest Agenciji, iz stava (2) ovog člana uprava društva za osiguranje odnosno uprava društva za reosiguranje dužna je priložiti projekcije poslovanja društva za osiguranje odnosno društva za reosiguranje iz člana 3. ovog Pravilnika za narednih pet godina na godišnjem nivou.
- (4) Projekcije poslovanja iz stava (3) ovog člana obuhvataju, najmanje, sljedeće:
 - a) bilans stanja,
 - b) račun dobiti i gubitka,
 - c) izračun adekvatnosti kapitala za poslove iz grupe životnih osiguranja,
 - d) izračun prilagođene adekvatnosti kapitala za poslove iz grupe životnih osiguranja,
 - e) izračun adekvatnosti kapitala za poslove iz grupe neživotnih osiguranja, odnosno poslove reosiguranja,
 - f) izračun prilagođene adekvatnosti kapitala za poslove iz grupe neživotnih osiguranja odnosno poslove reosiguranja,
 - g) izračun kapitala za poslove iz grupe životnih osiguranja,
 - h) izračun kapitala za poslove iz grupe neživotnih osiguranja odnosno poslove reosiguranja,
 - i) izračun margine solventnosti za poslove iz grupe životnih osiguranja,
 - j) izračun margine solventnosti za poslove iz grupe neživotnih osiguranja odnosno poslove reosiguranja,
 - k) skup pretpostavki na osnovu kojih su projekcije izrađene.

Navedene obrasce društvo za osiguranje odnosno društvo za reosiguranje preuzima na www.nados.ba.

- (5) Društvo za osiguranje odnosno društvo za reosiguranje dostavlja Agenciji obrasce propisane ovim Pravilnikom:
- a) u elektronskom obliku i
 - b) u papirnatom obliku potpisane od lica koja su ih sastavila i odgovornih lica, a obrasci izračuna adekvatnosti kapitala moraju biti potpisani od imenovanog ovlaštenog aktuara društva.

III PRELAZNE I ZAVRŠNE ODREDBE

Član 15.

(Prestanak važenja Pravilnika)

Stupanjem na snagu ovog Pravilnika prestaju vrijediti odredbe Pravilnika o dodatnom nadzoru nad grupacijom osiguravača („Službene novine Federacije BiH“, broj 81/06).

Član 16.

(Stupanje na snagu)

Ovaj Pravilnik stupa na snagu osmog dana od dana objavljivanja u „Službenim novinama Federacije Bosne i Hercegovine“.

PREDSJEDNIK
STRUČNOG SAVJETA

mr. sci. Edita Kalajdžić

Broj: 021-3284-6/17
Sarajevo, 05.12.2017. godine